



特別
~ 21
3536
11





第四十五回

周瑜三江戰曹操

周瑜思忖轉恨孔明，汝直如此能言快語，吾必殺之。遂往辭孫權，權曰：公瑾先行，孤當繼後，便起兵也。瑜共程普、魯肅、邀孔明同行，孔明欣然從之。一同登舟，駕起風帆，迤邐上水，望夏口而進，離三江口五六十里，船依次第擺布已定。周瑜在於中央下寨，岸上依西山結營，週圍下寨五十餘里。孔明只就小舟內安歇。周瑜分派已定，使人請孔明於中軍帳議事。時文武都聚帳下，孔明至，請坐。瑜曰：昔曹兵少，紹兵衆，兩邊相拒於白馬官渡之時，操以何計破



哀紹之兵先生深通兵法必知其詳願賜教之孔明暗思此事見說我不動必用計害我吾看他如何遂答曰蓋聞用許攸之謀先斷烏巢之糧因此一戰以成功瑜大喜曰先生之言極是今操兵八十三萬予兵三萬安能拒之必須先斷操之糧然後可破令人探知操軍糧草皆屯聚鐵山素知先生久居漢上地理熟知彼此各爲主人之事有勞先生率領關張子龍之輩吾亦助兵千餘星夜往聚鐵山斷操糧道此行勿悞孔明欣然領命便辭周瑜而去眾官皆散魯肅獨問瑜曰公使孔明何意瑜曰欲殺之恐惹人笑故借操之手先除後患肅乃來見孔明看他知也不

知孔明畧無難色整點軍船要行肅不忍以言挑之曰此去可成功否孔明笑曰吾水戰步戰馬戰車戰各盡其妙何愁功蹟不成非比江東公與周郎盡一能也肅曰吾與周郎何謂一能孔明笑曰吾聞江南小兒有言伏路把關饒子敬臨江水戰有周郎公等於平陸但能伏路把關公瑾只堪水戰不能陸戰耳肅以言回報周瑜大怒何欺我只能水戰也不用他去吾自引一萬馬步軍直往聚鐵山斷操糧道如何肅以言回報孔明孔明笑曰公瑾令吾斷糧者實欲令曹公殺吾耳吾故片言戲之公瑾便容納不下目今用人之際只願吳侯與劉使君同心則大事

成矣如各相害則事休矣操多謀者也他平生慣斷人糧
此則公瑾不如孔明多矣
 道今如何不以重兵隄備公瑾若去則必就擒可先決水
 戰挫動北軍銳氣別尋妙計破之望子敬善言以告公瑾
 為幸魯肅以言回報周瑜搖首頓足曰此人見識果勝
 吾矣今日不除之日後必為吳國之患肅曰目今大軍相
 拒之時望以國家為重瑜然之却說劉玄德分付公子劉
 琦守把江夏遂引兵往夏口登程遙望江南岸旗旛隱隱
 戈戟重重料是東吳已動兵矣玄德盡把江夏之兵屯在
 樊口在札令人登高望之使人回報曰南岸盡是東吳家
 戰船北岸隱隱烟火不絕乃徐州青州之兵玄德聚眾曰

孔明一去杳無音信不知就裡何如誰人可去探聽虛實
 回報糜竺曰某願往玄德乃備羊酒禮物囑付糜竺曰當
 應機處變竺駕小舟順流而下逕至周瑜寨軍士報瑜曰
 劉玄德使糜竺至慰勞將軍瑜召入竺再拜致玄德再三
 相敬之意獻上酒禮瑜受之就待糜竺告瑜曰孔明來
 結好東吳共破曹操竺欲見孔明一面瑜曰今軍已臨敵
 吾欲親往見玄德面會爭奈任重不可片時離也若豫州
 肯枉駕來臨深慰所望別有他事自當面告且孔明與我
 定計破曹豈可便去也竺應諾遂辭下船而回肅曰公欲
 見玄德有何意瑜曰玄德世之梟雄今若不除之乃東吳

之大患吾非爲己之私實爲國家也周喻真小人然亦好雄不比今之小人無過而忌人也曾肅勸之不從遂傳密令如玄德至先埋伏刀斧手五十人於壁衣中吾擲盃爲號便出下手却說糜竺回到樊口寨中來見玄德將周瑜欲待會面之事說了玄德便教收拾快船一隻只今便行雲長諫曰吾知周瑜多謀之士又兼無孔明之書其中必詐不可去玄德曰我今結托於東吳共破曹操他欲見我我若不往非同盟之意也兩相疑惑事不諧矣雲長曰兄長堅意要去弟亦同去張飛曰我也跟去玄德曰只着雲長跟隨我去弟與子龍守寨簡雍固守鄂縣我去便回乃乘小舟雲長并從者二十餘人飛奔棹舟而來至寨口

玄德觀緣幢鬪艦旌旗甲兵左右分布整齊看了心中甚喜軍士飛報周瑜二公各各聖賢不比世俗常人瑜問多少船到報曰只有一隻船從者二十人瑜笑曰此人命休矣囑付埋伏刀斧手遠遠相接玄德引雲長二十人直入步行到中軍帳周瑜出轅門相接而入帳中敘禮已畢請玄德上坐玄德曰將軍名傳天下世之俊傑劉備區區之才安煩將軍之重禮耶乃分賓主而坐周瑜取酒相待却說孔明偶來江邊見說玄德與都督相會吃了一驚急入中軍帳正遇曾肅與孔明乃攜手而入偷目先視周瑜面有殺氣兩邊密排壁衣孔明思之吾王休矣回視玄德談笑自若看玄德背後拔劍而

立乃雲長也孔明喜曰吾主無危矣料周瑜懼怕雲長必不敢下手孔明不入後回船上江邊伺候周瑜起身把盞猛見雲長立在背後忙問曰此何人也玄德曰乃吾弟關雲長也瑜曰莫非向日斬顏良文醜者乎玄德曰是也周瑜汗流滿背就與把盞又飲數盃玄德問曰將軍今拒曹操得戰卒幾何瑜曰三萬耳玄德曰安敢敵曹軍八十三萬大軍也瑜笑曰兵多將廣何足懼哉瑜三萬人足可以用豫州試看吾破之如摧朽木耳玄德羞而謝之忽見魯肅入玄德曰子敬可請孔明說話瑜曰只待破了曹操此時與孔明相見也玄德惶恐而謝雲長目之玄德會其意

乃辭瑜曰備暫告別破敵收功之後專當拜賀瑜亦不置送出轅門得至船邊忽見孔明孔明曰主公知今日危乎玄德曰不知孔明曰若無雲長已遭瑜之難矣玄德方省悟問孔明曰若何孔明曰若其雖居虎口安然如太山今

如此等特定的是可人

主公但收拾船隻軍馬十一月二十甲子日後爲期可教子龍駕小舟於南岸邊等候切勿有悞玄德問其意孔明曰但看東南風起亮必還矣主公可速開船孔明自回玄德開船行不數里上流處放下五六十隻船來玄德慌問看時船面上一人乃張飛也老張向營奔來恐怕哥哥有失特來遠接遂乃同回却說魯肅問周瑜曰公瑾今日何不下手瑜曰關

雲長世之虎將也行坐相隨吾若下手他必來害我也肅
 愕然有人報曹操遣使至瑜喚入使人呈上書看時封皮
 云漢大丞相付周都督開拆瑜大怒更不開看扯碎擲地
 喝斬使者肅曰兩國相爭不斬來使瑜曰斬使以示威也
 將首級付從人回去瑜曰操賊必興兵矣當日發放令甘
 寧為先鋒韓當為左翼蔣欽為右翼瑜自部領諸將接應
 來日四更造飯五更開船戰具砲石一應完備却說曹操
 聽得周瑜斬了他來使毀了他書心中大怒便喚蔡瑁張
 允一班兒荆州降將為前部操自為後軍四更造飯五更
 開船時建安十三年十一月初一日平風靜浪正使船已

到三江口南船已擺開旗幡中一員大將坐在船頭上大
 呼曰吾乃甘寧是也敢有決戰者即上船來蔡瑁大怒即
 喚弟蔡璉前進鼓噪吶喊璉大呼曰吾乃大將蔡璉也甘
 寧執箭扣滿弓望蔡璉射之應弦而倒寧驅船大進萬弩
 齊發北軍不能抵當船左邊蔣欽右邊韓當直衝入北軍
 隊中來擒曹操未知性命如何

羣英會周瑜智蔣幹

却說甘寧一箭射死蔡璉之路戰船縱橫於三江水面掩
 殺北軍箭似飛蝗砲石如雨韓蔣二將見後船盡是青徐
 之兵素不曾習水戰大江水面上戰船一擺早立脚不住

安能奮武揚威於是甘寧催兩路船殺透後軍周瑜又催船助戰從巳時至未時北軍都退中箭着砲者不計其數周瑜雖精於水戰便利惟恐寡不敵衆遂下令鳴金收住船隻北軍盡回青徐兵不諳水戰者溺死極多操登旱寨再整軍士喚蔡瑁張允責之曰東吳兵少你緣何反敗是汝不用心耳且免汝一番後再如此必按軍法蔡瑁曰荆州水軍久不操練奈有多半北軍不識水利見南軍一擊便慌如今先下水寨令北軍在中水軍在外每日教習水軍精熟方可用之操曰你既是水軍都督取便區處而行何必稟我張蔡二人自去訓練水軍沿江一帶八二十四

座水門以大船居於外以爲城郭小船居於內可通行來至晚點上燈照得天心水面上通紅旱寨三百餘里烟火不絕搬運糧草車仗相接曉夜而行却說周瑜得勝回寨一面差人報吳侯以甘寧爲第一功韓當蔣欽次之餘皆賞賜已畢瑜乃當夜登高觀望西邊通紅火光接連天地瑜問之左右答曰此是北軍燈火之光也瑜亦心驚當夜收拾一隻樓子船吾親自去觀看操軍水寨隨行有魯肅黃蓋等八員將皆帶強弓硬弩一齊上船兩邊青布爲幔排列二十餘人上帶鼓樂迤邐前進至操寨邊日當卓午瑜命下了碇石樓船上鼓樂齊奏瑜暗窺他水寨大驚云

此深得水軍之妙也問水軍都督是誰左右曰蔡瑁張允
瑜曰原久居江東諳習水利將士吾何計先除此二人然
後可以破曹瑜在船上飲酒看玩水寨時曹軍看見忽報
曹操教縱船擒捉周瑜瑜見旗號水寨中起急教收起
可石兩邊四下都一齊輪轉棹望江面上如飛而去比
及曹軍水寨中船出南船已離了十數里遠追之不及急
回報曹操操言昨日輸了一陣挫動銳氣今被他深窺吾
寨柵吾用何計破之言未畢忽見帳下一人出曰某自幼
與周郎同膺交契如親昆仲願憑三寸不爛之舌往江左
說此人來降共擒劉備若何曹操大喜視之乃九江人也

姓蔣名幹字子翼見爲曹操帳下幕賓操問曰先生果與
周公瑾交厚乎幹曰丞相放心幹到江左必要成功操問
要何物將去幹曰只消一童隨行二僕駕舟其餘不用操
甚喜置酒與蔣幹送行幹綸巾布袍馬一隻小舟逕到瑜
寨中命報覆云故人蔣幹特來相訪周瑜正在中軍帳上
議事忽報蔣幹至瑜笑謂諸將曰說客至矣與衆將附耳
低言如此如此衆皆應命而去瑜整衣冠引從者數百皆
錦衣花帽前後簇擁瑜步行遠迎接蔣幹引一青衣小童
昂然而來瑜教從者擺列於兩下瑜慌忙拜而迎之幹曰
賢弟別來無恙瑜應聲答曰子翼良苦遠涉江湖生受爲

曹氏作說客即幹愕然良久曰吾與足下間別久矣近知
威振東吳名揚華夏故來敘舊以觀其志何疑吾作說客
耶瑜曰吾雖不及師曠之聰聞絃歌而知雅意也幹曰足
下視人如此吾告退瑜笑而撫其臂曰吾但恐兄與曹氏
作說客既無此心何去速也遂入帳上敘禮畢坐定令左
右取江左英傑與子翼相見少時面前設金銀器皿光射
眼目文官武將各穿錦繡之衣帳下小將盡披銀鎧分兩
行而入瑜都教相見已畢就教列於兩傍而坐奏軍中得
勝之樂輪換行酒瑜告諸將曰此是吾同朋友兄也雖從
江北到此却非是曹操家說客衆等勿疑遂喚子義曰可

佩吾劍作明甫今日置酒但敘舊日交情耳如有但提曹

妙妙好箇底官

操與東吳軍旅之事者可立誓之太史慈斬昂應諾按劍
坐於席上蔣幹聞之如坐針氈周瑜曰吾自領軍以來點
酒不飲今日見了心腹故人又無疑忌當飲一醉吾兄開
懷座上觥籌交錯但是一箇起來把盞必須誇其才能周
瑜大笑而暢飲酒至半酣瑜携幹手同步出帳外瑜左右
軍士皆全裝慣帶持戈執戟而立瑜曰吾之小卒頗雄壯
否幹曰虎狼之兵也引幹到帳後一望糧草堆如山積瑜
曰吾之糧食頗足備否幹曰兵精糧足名不虛傳瑜又大
笑引幹看營中軍器鞍馬瑜佯醉大笑曰想周瑜與子翼

同學業時不曾望有今日矣幹日以賢弟高才實不為過
瑜執幹手曰大丈夫處世遇知己之主外託君臣之義內
結骨肉之恩言必行計必從禍福共之假使蘇秦張儀陸
賈鄴生復出口如懸河舌似利刃安能動吾心哉况今時
章句腐儒欲以一面之詞等閑來說我乎言罷大笑此時
蔣幹面如土色心似刀錐瑜又邀入帳上會諸將再飲又
指諸將曰此皆江左之豪傑今日此會羣英會耳飲至天
晚點上燈燭瑜自起舞劍作歌眾拍手而和歌曰

大丈夫處世兮立功名
功名既立兮王業成
王業成兮歌好甚四海清
四海清兮天下太平
天下太平兮吾將醉
吾將醉兮舞霜鋒

醉兮舞霜鋒

歌罷慷慨滿座盡歡獨有蔣幹寸心欲碎夜已更深幹辭
不勝酒力矣瑜挾幹臂曰口久不與子翼同榻今宵抵足
而眠瑜本不醉佯推大醉同幹入帳共寢瑜衣不能解帶
嘔吐狼籍於床上是夜蔣幹如何睡得着竊聽之時軍中
鼓打二更起視殘燈尚明看周瑜時鼻息如雷幹觀帳內
卓上一堆文書幹偷視之皆是往來書信內有一封上寫
張允蔡瑁謹封幹大驚暗讀之書云

某等降操非圖仕祿皆勢迫耳今已賺北軍困於寨中
一但得其便即將操賊之首獻于麾下早晚人到便有開

報謹此做表希冀照察

此等機關如見戲不知者以為奇計也真是通俗演

幹思曰原來蔡瑁張允結連東吳將書暗藏於衣內忽周

義妙絕妙絕

瑜翻身幹急滅燈就寢瑜口內含糊曰子翼公我數日之內教你看操賊之首幹勉強應之又曰子翼且住教你看操賊之首及幹問之瑜又推睡著幹伏在床上看看四更只聽得有一人入帳喚曰都督醒否周瑜夢中做忽覺之意故問那人曰床上睡著何人答曰都督請子翼同寢何謂不知瑜懊悔曰吾未嘗飲醉昨日醉後失事不曾說甚言語那人曰江北有人至此瑜喲低聲便喚子翼將幹只推睡著也推不覺瑜潛出帳幹竊聽之有人在外曰張藝

二都督道急切不得下手後面言語頗低聽不真實少刻

好看好看

瑜入帳又喚子翼將幹只推睡著瑜解衣就睡幹尋思周

瑜是箇有精神的人天明尋書必然漏泄睡到五更幹起喚周瑜瑜却推睡著幹戴上巾帽潛步出帳去喚了小童遷出轅門軍士問先生那裡去幹曰吾在此恐候都督事權且告別軍士亦不阻當幹下船飛奔江北岸來見曹操操問先生幹事若何幹曰周瑜心如鐵石不可說也操怒曰事又不濟反被東吳之笑幹曰雖不能說周瑜却與丞相打聽得一件事乞退左右幹將上項事逐一說與曹操大怒曰二賊如此無禮恐走透消息即便喚蔡瑁張允

到帳下操問曰進兵如何瑁曰軍練未純不敢輕進操怒曰軍若練熟首級獻於周郎矣蔡張二人不知其意驚慌這也是彼天爲玄德報仇耳天理不能回答操喝令武士推出斬之馮史獻頭帳下衆皆入問其故操方省悟曰吾中計矣靜軒有詩嘆曰

曹操奸雄不可當一時詭計中周郎蔡張賣王謀生計誰料翻爲劍下亡

操雖是中丁計不肯錯認乃與衆將曰此二人怠慢軍法遷延日久吾故斬之衆皆嗟吁不已而出曹操於衆內選毛玠于禁爲水軍都督以代二人之職其餘諸將皆不更換細作探知報過江東周瑜大喜曰吾所患者此二人

施小計盡以剷除吾無憂矣肅曰都督如此用兵何愁曹操不破乎瑜曰吾料諸將不知此計獨有諸葛亮勝於吾見想此謀亦不可瞞也子敬試以言釣之看他知也不知便當回報肅來鈎孔明還是如何

總評

人生在世驚天動地的事也要幹得一兩件此後便可高枕而臥矣如雲長所得顏良文醜曹操孫權都不敢正目而視卽周郎有意圖玄德見雲長在側膽自碎矣

周郎借蔣幹以害蔡瑁張允此等計策如同小兒卽

非老瞞亦自窺破謂老瞞入其計中乎決無此事但可
人通俗演義中以驚俗人耳妙哉技也真通俗演義也

第四十六回

諸葛亮計伏周瑜

魯肅領了周瑜言語逕來船中相探孔明孔明接入小舟
對坐肅曰連日措辦軍務有失聽教孔明曰便是亮亦未
與魯督賀喜肅曰何喜孔明曰周公瑾使足下來探亮知
也不知便是這件事可賀喜耳謊得魯肅失色問孔明曰
先生緣何知之孔明曰這條計只是瞞過蔣幹曹操必然
後省只是不肯認錯江東無患矣如何不賀喜吾聞知換
了毛玠于禁則這兩箇手裡好友送了水軍性命魯肅開
口不得把此言語支吾了半晌別孔明而回孔明囑曰萬

望子敬隱而休言亮知此事公瑾若知必然尋事害亮也

魯肅駕舟而去見周瑜把上項事只得實說了瑜聽知大

怒若留此人那裡顯我吾決意斬之肅勸曰若殺孔明却

被曹操笑也瑜曰吾自有公道斬之教他死而無怨肅曰

何以公道斬之瑜曰子敬休問來日便見次日聚眾將於

帳下教請孔明孔明欣然而至坐定瑜問孔明曰即日交

兵不遠水路之中用何計以勝曹操請先生見教孔明曰

大江之上除非弓弩為先瑜大喜先生之言正合吾意昔

姜子牙自製許多軍器吾軍中缺箭使用欲煩先生監造

十萬枝箭以備用之兩家之事請先生切勿推却孔明曰

亮最關於此敢問十萬枝箭何時要用瑜曰十日之內亦

可辦完否孔明曰即日兩軍相當之際早晚操軍必到若

候十日必悞了大事瑜曰先生可料幾日便成孔明曰只

消三日嚴限拜納十萬枝箭瑜曰軍中無戲言孔明曰怎

敢侮美都督便要文書三日不辦甘當軍令周瑜大喜喚

軍政司當面要了文書置酒相待軍事了日後有醉勞孔

明日今日不及來日分付便造箭也第三日可差五百小

軍到江邊搬箭孔明飲了數盃就辭瑜而去魯肅曰此人

莫非詐乎瑜曰他自送死非吾逼之明白對眾要了文書

你便兩肋生翅也飛不去吾已分付軍匠人入去教他諸

般不便必然悞了。此時定罪有何理說。你可去探虛實便來回報。肅來見孔明。孔明曰：吾曾告子敬，休對公瑾說他必要害我。今日果然爲之。三日之內，要造十萬枝箭。如無箭數，按軍法施行。子敬只得救我。肅曰：你自取其禍，如何救得你。孔明曰：皇子敬暫借二十隻船，每船要軍三十，各船皆用青布爲幔，每船上要束草千餘箇，密布兩邊。皆在江岸伺候。別有妙用。第三日，請子敬至此看箭。切不可教公瑾知會。如知吾計，敗矣。肅不知其意，回報周瑜言。道他也不用箭竹翎毛膠漆等件，自有道理。瑜大疑，吾不省得其意。肅自撥輕快船二十隻，各船三十餘人，并用青布爲

幔。上插旌旗，內將穀草縛在兩邊，皆屯於孔明船邊。一日無動靜。二日亦不行。到第三日四更，魯肅來船邊。孔明亦教請上船。肅問曰：何意。孔明曰：子請子敬往北取箭。肅曰：箭在何處。孔明曰：子敬休問前去，便見。把二十隻船用長索相連，只望北岸進發。是夜大霧垂於江面，對不相見。孔明共魯肅坐在船中，後傳令教快行。果然是好大霧。前人有篇大霧垂江賦曰：

大哉長江西接岷峨，南控三吳。北帶九河，漚百川而入。海歷萬古，以揚波。至若龍伯海若，江妃水母，長鯨千丈，天蜈九首，鬼怪異類，咸集而有。蓋夫鬼神之所依，憑英

雄之所戰守時也。陰陽既亂，昧爽不分，訝長空之一色，忽大霧之四屯。雖輿薪而莫覩，惟金鼓之可聞。初若溟濛，纔隱南山之豹；漸而充塞，欲迷北海之鯤。然後上接高天下，垂厚地。渺乎蒼茫，浩乎無際。鯨鯢出水而揚波，蛟龍潛淵而吐氣。又如梅霖收溽，春陰釀寒。溟溟漠漠，浩浩漫漫。東失柴桑之岸，南無夏口之山。戰船千艘，俱沉淪於岩壑；漁舟一葉，驚出沒於波瀾。甚則穹昊無光，朝陽失色；返白晝爲昏黃，變丹青於水黑。雖大禹之智，不能測其淺深；離婁之明，焉能辨其咫尺。於是馮夷息浪，屏翳收功。魚鱉遁跡，鳥獸潛踪。隔斷蓬萊之島，暗圍閭闔之宮。恍惚奔騰，如驟雨之將至；紛紛雜遝，若寒雨之欲同。乃能中隱毒蛇，因之而爲瘴癘；內藏妖魅，憑之而爲禍殃。降疾厄於人間，起風塵於塞外。小民遇之，天傷大人；觀之，感慨益將返元氣於洪荒。混天地爲大塊。

靜軒先生有詩一律，單道霧云。

巒疊風光盛，濛濛細雨濃。雖聞雲外鴈，不見嶺頭松。一水亡新浪，千山失舊踪。禪關昏曉裏，風送數聲鐘。

當日五更船已到，曹操水寨孔明教把船隻頭西尾東。一帶擺開，就船上插鼓吶喊。魯肅驚曰：倘曹兵齊出，如之奈何？孔明笑曰：吾料曹操雖奸雄，於重霧中必不敢出。吾等

酌酒取樂霧散便回吾親身在此子敬勿憂却說水寨中聽得擂鼓吶喊毛玠于禁二人慌忙使人報知曹操操此時因見水軍未整自到江邊提撥調用俱各停當了操傳令曰重霧迷江他必有埋伏更兼他軍士來的整齊切不可輕動可撥水軍弓弩手亂箭射之又差人往旱寨內喚張遼徐晃各帶弓弩軍三千火速到船邊助射比及號令到來毛玠于禁則怕南軍搶入水寨已差弓弩手亂箭射之後號令到撥弓弩手約一萬餘人盡皆放箭平明時分孔明教把船吊回頭東尾西逼近水寨受箭只聽得霧中徐晃又引能射者盡皆赴水寨口大船放箭只聽得霧中

擂鼓吶喊箭如雨發漸漸日高收起霧露孔明急收船回二十隻船兩邊束草上排滿箭枝孔明令人叫曰謝丞相箭比及報知操時船輕水急已放回二十餘里追之不及操懊悔自責北將皆嗟咨不已却說孔明與魯肅曰每船上箭可勾四五千矣不費江東半分之力已得十數萬箭明日却將來射北軍強如自己用工造作肅曰先生神人也何以知今日如此大霧孔明曰凡爲將者不通天文不識地利不知奇門不曉陰陽不看陣圖不明兵勢乃庸才也亮三日前算定今日大霧因此敢取限而辦之公瑾教我十日辦完人匠料物皆不應手便行官府亦悞了事將

這一件風流過犯明白要斬我我命繫于天周公瑾安能
害我哉魯肅拜服船已到岸五百搬箭軍已在江邊等候
搬箭孔明教船上取之可得十萬餘箭都搬入中軍帳交
納魯肅以孔明言說與周瑜瑜大驚慨然而嘆曰諸葛神
機妙笑吾不如也後來史官詩曰

濃濃霧露滿長江天地難分水渺茫二十舟船能擺列
萬餘弓弩盡施張飛蝗透草搖天影驟雨催花射日光

沙塞昔年迷李廣孔明今日伏周郎

江左得箭十萬餘根曹操折箭十五六萬周瑜出寨迎接
以師禮敬之孔明曰譎詭小術何足為奇瑜曰雖古之孫

吳莫能及也邀入帳共飲酒瑜曰昨日吳侯遣使至催督
破曹瑜未有奇計請先生教之孔明曰亮乃碌碌庸才公
是江東豪傑何故問計於亮也瑜曰某昨夜仰觀水寨極
有法度非等閑可攻之今先生亦觀其動靜矣瑜有一計
不知可否請先生論之孔明曰都督且休言各寫於手內
看同也不同瑜大喜教取筆硯來自暗寫了却送與孔明
孔明亦寫了兩箇同近坐榻各出掌中之字互相觀看皆
大喜畢竟如何下回便見

黃蓋獻計破曹操

當日席上周瑜先出掌中字孔明視之乃一火字也孔明

亦出手中字與周瑜視之亦是火字因此皆大笑而指之
瑜曰既兩計相同再無疑矣幸勿泄漏孔明曰兩家之事
豈有泄漏之理乎予料曹操雖經兩番必不信又再如此
都督儘行之飲罷分散餘皆不知却說曹操折了許多箭
心中氣悶荀攸進曰江東有周瑜諸葛亮二人用計大江
之阻切極難知於軍中可選二人去東吳詐降內爲國賊
以通消息方可圖謀矣操曰正合吾意汝料軍中誰可行
此計攸曰蔡瑁被誅蔡氏宗族皆在軍中有二人乃瑁之
房族蔡和蔡中見爲副將軍丞相可以恩結之東吳必不
疑矣操當夜喚二人入帳囑付曰汝昆仲可引小軍去東

吳詐降但有動靜使人密報事成之後加汝爲列侯重賜
食邑休生變心二人曰吾等丁皆在荊州安有變心丞
相勿疑某二人必取周瑜諸葛亮之首級操重賞次日帶
五百軍士船數隻順風而下望南岸來却說周瑜曉夜不
眠理會進兵之策忽報江北有數十隻船來到江口稱蔡
瑁之弟蔡和等特來投降周瑜大喜二人哭拜於地吾兄
無罪操賊誅之今欲報仇特來投降望賜收錄願爲前部
瑜取金帛賞勞了加爲上將喚甘寧引一枝軍馬以爲前
部和中二人拜謝以爲中計瑜密喚甘寧分付此二人非
投降者操使過江透漏消息只做不知休要阻當寧曰此

是何意。瑜曰：此二人不帶家小，必是詐降。吾欲將計就計而行，特要教他通報消息，汝可慇懃相待，就裡隄防。每日書畫卯酉，約會同來。至期破敵，先要殺他兩箇。祭旗，汝勿有悞。甘寧領命了。有魯肅來見周瑜曰：這兩箇多是詐降。瑜叱曰：曹操殺他人之兄，正欲報仇，何詐之有。你若如此疑惑，安能容天下之士乎。肅無言可答，遂去告孔明。孔明笑而不言。肅曰：孔明何故酒笑。孔明曰：吾笑子敬不識公瑾之用計耳。大江隔遠，細作極難往來，操使蔡中、蔡和詐降，使不疑忌也。公瑾計上用計，正要他通報消息，兵不厭詐。公瑾之謀是也。肅方纔省悟，却說黃蓋潛入中軍來見

周瑜。瑜問曰：公覆夜至，必有良謀。蓋曰：他衆我寡，難以久持，何不用火以攻之。瑜曰：誰教公獻此計。蓋曰：某出已意，非他人之所教也。瑜曰：吾正欲如此，故留蔡中、蔡和詐降之人，以通消息，但恨無一人獻詐降計耳。蓋曰：某願行此計。瑜曰：不受苦楚，如何肯信。蓋曰：某自破虜將軍，重用至今，雖肝腦塗地，心亦無怨。瑜拜而謝之曰：君若肯行此計，則江東之萬幸也。蓋曰：某死亦無怨。遂謝而出。次日鳴鼓大會，諸將咸集，列于帳下。孔明亦在坐次。周瑜曰：操引百萬之衆，連絡三百餘里，非一日可破。吾糧草蓄積，累年積月，諸將船上止許關三箇月糧草，諸將准備禦敵，言未畢

黃蓋進曰都督教關多少糧草瑜曰只支三箇月蓋曰便支三十箇月糧草也不濟事若是這箇月破的便破若是這箇月破不的只可依張子布之言棄甲倒戈北面而降之周瑜勃然變色大怒而言曰吾奉吳王之命籌畫已定若有再言降者必斬之衆官面面相看今兩軍相敵之際汝爲先鋒安敢慢吾軍心不斬汝首難以服衆喝左右便斬首來黃蓋亦怒曰吾自隨破虜將軍縱橫東南已歷三世那有你來瑜大怒喝斬甘寧進前告曰公覆乃東吳之舊臣可以恕之瑜喝之曰汝何等之人敢多言亂吾法度耶先喝左右將甘寧亂棒打出衆官皆跪下告曰蓋罪可誅但於軍不利都督寬恕權且記罪破曹之後問亦未遲瑜怒未息衆官苦苦哀告瑜曰若不看衆官面皮決斬汝首級既犯吾令且暫免死左右拖翻打一百脊杖以正其罪諸官又告瑜掀翻案桌叱退衆官便教行杖將黃蓋剝去衣服拖翻在地咬牙切齒喝令毒打打五十大杖衆官又告望恕黃蓋瑜躍起身指着蓋曰汝敢小視我耶且寄下五十棍再有怠慢二罪俱罰恨聲不絕而入帳中衆官扶起黃蓋打得皮開肉綻鮮血迸流扶到帳中昏絕幾翻動問之人無不下淚魯肅也到看問了回到孔明船中肅曰今日公瑾責罪於公覆我等皆是他部下不敢犯顏苦

勸先生是客何故袖手旁觀不發一言也孔明笑曰子敬欺我肅曰某與先生渡江以來未嘗有事相欺何故出此言也孔明曰子敬如何不知兵法有鬼神不測之機今日公瑾欲殺黃蓋故毒打之乃其計也吾何勸之肅方悟孔明曰不用苦肉計何以瞞過曹操今必令黃蓋詐降却教蔡中蔡和報其事矣如見公瑾切勿言亮知之只說亮也瑜埋怨肅回見瑜邀入帳內肅曰今日何故痛責黃蓋也瑜曰諸將怨否肅曰多有心中不安者不敢明言也瑜曰孔明知否肅曰他也埋怨都督忒情薄瑜笑曰今番須瞞過他肅曰何謂也瑜曰今日打黃蓋者乃計也欲令他詐降

先須用苦肉計瞞過曹操就中用火攻之可決勝也肅乃暗思孔明之高才不敢明言却說黃蓋卧於帳中諸將皆來動問蓋不言語但長吁不已小軍忽報叅謀特來動問蓋令人請入對面而坐蓋叱退左右闕澤曰將軍莫非與都督有仇蓋曰非也某遍觀軍中絕無一人可爲心腹者惟先生素有忠義之心故敢以心腹告之闕澤曰公之受責莫非苦肉計也蓋曰何以知之澤曰以公瑾一動一靜某已料九分蓋曰某受吳侯三世之恩無以報之故獻此計以破曹操肉雖受苦亦無恨矣澤曰公之告我無非要澤獻詐降書否蓋曰實有此意未知肯仗義否闕澤言無

三國志
數句惹起赤壁鏖兵未知若何且聽下回分解

總評

孔明借箭亦謀士之奇用非奇秘也通俗演義中
不得不如此鋪張耳為將者勿遂以此為衣鉢也

第四十七回

闕澤密獻詐降書

闕澤字德潤會稽山陰人也家本庄農酷嗜儒業但家甚
貧與人傭工借書誦但寫一篇並無遺忘少有膽氣對答
如流舉孝廉除錢塘長孫權慕其名召為參謀因此黃蓋
知其能言有膽故遣往之澤欣然而應諾曰大丈夫處世
從事於人不能立功建業甘與腐物同盡真可羞也既公
覆捨命而報東吳闕澤何惜螻蟻之微生哉黃蓋滾下床
來拜而謝之澤曰事不可緩即當便行蓋曰書已修下了
澤領了書只就當夜扮作漁翁一人駕小舟望北岸循水

而行是夜寒星滿天三更時候早到水寨巡江軍士揜住
澤曰便報丞相去東吳闕澤有機密大事特來拜見是夜
曹操在旱寨內軍士報入來操曰莫非是奸細麼軍士曰
只是一漁翁別無夾帶操便教引將入來天色未明帳上
秉燭而坐軍士引闕澤至禮畢操曰吾聞汝是東吳參謀
來此何幹澤曰人言曹丞相之求士如大旱之望雲霓今
觀此問甚不相合黃公覆汝又錯尋思了也重言一遍操
曰吾與東吳旦夕交兵汝私行到此如何不問也澤曰黃
公覆在於東吳已歷三世乃舊功臣今被周瑜於衆軍之
前痛打一頓氣無所出特告於我我與公覆情同骨肉思
無報仇之路逕獻密書歸投丞相擬將糧食軍器以爲托
獻未知丞相肯容納否操曰黃公覆特使先生來降投奔
書在何處闕澤取書呈上操折書就几上觀看書曰

東吳糧草官水軍先鋒使黃蓋泣血百拜謹獻書於大
丞相麾下蓋受孫氏厚恩曾爲將帥見遇不薄然顧天
下事有大勢用江東六郡山越之人以當中國百萬之
衆衆寡不敵海內所共見也東吳將吏無有愚智皆知
其不可惟周瑜魯肅偏懷淺戇意未解耳加之行軍無
次自負其能無罪受刑有功不賞蓋今應天順命率衆
歸降瑜所督領自易摧破交鋒之際必爲前部糧草軍

器隨船獻納。因是投書效命在近，乞無疑心。伏希聽納。
建安十二年冬十一月日，黃蓋泣血百拜奉書。

曹操於几案上翻覆將書看十餘次，忽然拍案張目大怒，曰：黃蓋用苦肉計，令汝下詐降書，就中取事，敢來戲侮於吾耶！便教左右推出斬訖報來。左右將闕澤簇下，進轉待斬闕澤面不改容，仰天大笑。操教牽回某已識破奸計，斬汝首級，何故晒之？闕澤曰：吾不笑你，吾笑黃公覆不識人耳。操曰：何不識人？澤曰：殺便殺，何必問也。操曰：吾自幼熟讀兵書，足知奸詐之道。汝只好瞞別人，如何瞞得我？澤曰：且說書中那件事是好處？操曰：我說破你那空處，教你在

亦瞑目。你既是真心獻書投降，如何不明約幾時？今你在

何理說？闕澤聽罷曰：汝不惶恐，敢誇年幼熟讀兵書，若戰

必被周瑜擒矣。無學之輩，可惜吾屈死。汝手操曰：何謂我

無學？澤曰：汝既通書，不識機謀，不明道理，故知必敗耳。操

曰：且放他看說我幾般不是處。若果理直氣壯，必有議論。

澤曰：某見汝無有待賢之禮。吾何必言，但有死而已。操曰：

願聞高論。澤曰：豈不聞背主作竊安可期乎？這話言那背

主謀反，如何約日期，倘有了日期，急下不得手，這裡接應

必然泄漏，只是但得便就行矣。曹操是箇聰明人，一點便

悟，下席復禮。適來曹操見事不明，誤犯尊威，幸勿掛意。澤

曰吾與黃公覆傾心投降如嬰兒望於父母豈有詐乎操大喜曰若二公能建忠義之功他日受爵必在諸人之上澤曰某等非爲爵祿耳但應天順人也操取酒以待之少刻有人於操耳邊私語操曰將書來看其人以密書呈上操觀笑容頗喜闕澤暗思必是蔡中蔡和來報黃蓋受刑消息操故喜其事真實也操良久曰煩先生再回江東與黃公覆約的當日期先通消息過江吾以兵接應澤曰某已離江東不可復還矣妙妙丞相別遣機密人去操曰若他人去事必洩漏澤再三推辭只恐曹操心疑良久曰若去則不敢久停便當行矣操賜金珠闕澤皆不受別操再駕

扁舟飛奔江東而來見黃蓋細說前事蓋曰非公能辨則益徒受苦矣澤曰吾今去甘寧寨中探蔡和蔡中去也蓋曰善取便而行澤至寨寧問先生何來澤曰帳上見將軍被辱吾甚不平寧笑而不答忽蔡和蔡中至澤以目送甘寧寧已會闕澤之意寧曰只顯他能全不以我等爲念吾今無意相持這班人故來却似羞見江左人物也四人坐定甘寧但咬牙恨齒怒髮衝冠而不言澤乃虛與寧耳邊低語寧低首不語長嘆數聲蔡和蔡中見寧澤皆有反意以言挑之曰將軍何故煩惱先生有何不平澤曰吾等腹中之苦汝豈知也蔡和曰莫非背吳投曹耶闕澤失色甘寧起投劍而言曰

政得象做得象甘寧關澤却好吹一唱

事已敗露不可留反人在寨倘若傳說人知吾事敗矣蔡和蔡中慌曰二公勿憂乞退左右吾有心腹之論寧曰可速言之蔡和曰吾乃曹公所使來詐降也二公若有順心吾當引進寧曰若如此天賜吾也澤將黃蓋事說知二蔡曰吾已報知丞相矣澤曰吾於丞相處見書特來見興霸也寧曰大丈夫既遇明主當竭力助之四人共飲同論心事蔡和即時寫書報曹操關澤之計合為鏖兵第一功也後人有詩曰

黃蓋深知關澤忠故煩托獻離吳東數行降款過江去百萬雄兵掃地空能使周郎成大事不教曹操逞奸雄

鏖兵赤壁施謀四合讓先生第一功

蔡和自發書報曹操說甘寧反吳與其同為內應關澤另馳書遣人報過江東黃蓋動身未知何日但看船頭插青牙旗即糧船也却說曹操連得二書心中疑惑未信眾謀士商議操曰誰敢往江東打聽操言未畢一人應聲而出曰某願往畢竟是誰且聽下回分解

龐統詐獻連環計

曹操言江左甘寧被周瑜恥辱亦願內應黃蓋受責立十却令關澤納降又有書到此未可深信誰敢直入周瑜寨中走一遭蔣幹曰前者不成功而心中言差今捨一命再

三國志
行如不成事。甘當軍令。操大喜。即時令蔣幹上船。幹駕小
舟。運到江南水寨邊。便使人轉報周瑜。聽得幹又到。頂視
天地。吾之成功。只在此人身上。遂令人分付。如此如此。原
來龐統亦曾對周瑜說。欲破曹公。必用火攻。瑜曰。吾已定
計了也。統曰。大江面上。一船着火。餘船四散。如何燒得除
非獻連環計。教他釘作一處。然後可用火攻。瑜曰。只是糜
奸猾如何去得。正無理會。却纔聽得蔣幹又來。瑜因此大
喜。乃坐於帳上。使人請幹。幹見不來接。心中疑慮。教把船
子僻靜岸口。纜繫。乃隨人入寨中。來見周瑜。瑜作色曰。子
翼何故欺吾太甚。蔣幹佯笑曰。吾想與你乃舊日弟兄。特

來吐心腹事。何故言相欺也。瑜曰。汝要說吾降。除非海枯
石爛。前番吾想舊交朋友。請你痛飲一醉。留你共榻。你却
盜吾私書。不辭而去。乃報曹操。殺了蔡瑁。張允。致使大事
不成。皆是汝也。蔡和蔡中。新近降吾。汝又來動說詞也。吾
不看舊日之情。一刀兩段。本待送你過去。爭奈我一二日
之間。便要破曹賊也。待留你在寨中。必然漏泄。左右在那
裡。可送子翼往西山庵中歇息。待吾破了曹操。那時渡你
過江。未遲。蔣幹再欲開言。周瑜已入帳後。左右取馬。與蔣
幹乘之。送到西山背後。於小庵歇息。撥兩箇軍人伏侍。幹
在庵內。心中憂悶。寢食不安。是夜星露滿天。獨步出帳後。

只聽得讀書之聲信步聽之於山岩畔見草屋數椽內射

燈光奇人奇事幹往窺之見一人掛劍燈前誦孫吳兵書幹思此必

異人也叩戶請見其人開門迎之儀表非俗幹問姓名答

曰姓龐名統字士元幹曰莫非鳳雛先生否統曰然也幹

曰何居僻靜獨守答曰周瑜自恃才高不納忠諫滅賢損

德獨守於此公乃何人也幹曰吾乃蔣幹也羣英會上相

見何故忘了統曰一時失忘相請邀入草庵共訴心腹之

事幹曰據公之才何所不宜如肯降曹幹當引進統曰但

不用吾耳幹曰吾願以性命保之統曰既有引見之心

當一行如遲事必泄矣幹與統便尋路到江邊却好尋

見船連夜投江北去到操寨中幹先來見曹操備言前事

操請人見出帳而接分賓主坐定問統曰今周瑜年幼恃

才罔衆不用良謀欺陵舊賓皆有退意操心無疑誠心相

待飲膳罷操教備下馬邀統同觀旱寨二人上馬凭高望

之統曰真將才也操曰先生勿得隱諱願教之統曰傍山

依林前後顧盼出入有門進退曲折雖古之孫吳再生穰

苴復出亦不過於此矣非統曲爲褒獎乃真心也操大喜

於是又觀水寨見向南分二十四座門皆有艨艟戰艦列

爲城廓中藏小船往來有巷起伏有序統笑曰某聞丞相

用兵如神今觀果實也妙妙指江南而言曰周郎周郎尅期必

亡操曰某知士元望賜教示勿吝見教統曰以此論之龐
統不及怎敢妄言耶操大喜回寨請入寨中置酒相飲共
談孫吳兵法諸家陣圖三畧六韜之書滔滔如流操慤慤
相待統乃佯醉而曰敢問軍中有良醫否操問何用統曰
水軍多疾須用妙手治之此時操軍不服水土多生嘔吐
之疾死者無數操正慮此忽聞此言如何不問統曰兵法
陣法皆是但可惜不全也操再三請問統曰統有一策使
大小水軍並無疾病人皆安穩而獲全功又問之統曰蓋
因大江之中潮生潮落風浪不息中原之人不慣乘舟致
使生患若以大船小舟各皆配荅或三十爲一排或五十

爲一排首尾用鐵環連鎖上鋪潤板休言人可渡馬亦可

士元此來買柴平買灰平可笑老奸竟不曉也

走矣人若乘此任隨風浪潮水上下復何懼哉曹操下席
而謝曰非先生之良謀安能破東吳耶統曰愚之淺見丞
相自裁之操卽時傳令喚中軍鐵匠連夜打造連環大釘
鎖住船隻諸軍聞之俱各喜悅古詩云

赤壁鏖兵用火攻運籌決策盡皆同闕生納款欺曹操
黃蓋停舟待祝融千里軸轡沉水底一江烟浪起波中
若非龐統連環計公瑾安能立大功

龐統又言某觀江左豪傑多有怨周瑜者吾憑三寸舌與
丞相說之先破周瑜則劉備無所用矣操曰先生果然能

成大功願請奏封爲三公之列統曰某非爲富貴但欲救萬民也丞相渡江慎勿殺害操曰吾替天行道安敢殺戮人民耶統拜求榜文以安宗族操曰先生家屬見居何處統曰只在江邊若得此榜可保全族矣操命寫榜僉押付統統拜謝曰別後可速進兵休待周郎知覺操然之統別訖至江邊正欲下船岸側一人道袍竹冠一把扯住統曰你好大膽黃蓋用苦肉計闕澤下詐降書你又來獻連環計只恐燒不盡絕你們把出這等毒手來只好瞞曹操也須瞞我不得說得龐統魂飛魄散畢竟此人是誰

總評

黃蓋闕澤龐統大是用得蓋畫策不難全在人能行之如苦肉連環二計誰不知之若無黃蓋闕澤龐統便成畫柄矣我故曰畫策不難但行之難得其人耳誠得其人無不行之策也老瞞雖奸其如諸君子誠篤不欺何畢竟奸不敵誠也

第四十八回

曹孟德橫槊賦詩

龐統急問曰汝何人也答曰吾乃徐庶也統聞是故人心下稍定回顧左右無人乃曰汝果如此可惜江南八十一州百姓皆是你送了也庶曰此間八十三萬人馬性命如何統曰吾若懼死不來江北庶曰吾感劉皇叔之恩未嘗忘報曹操送了吾老母吾已言終身不設一謀今爲此事吾安肯破你良策只是吾亦隨軍在此南軍一列玉石不分豈能免難乎君當教我脫身之術我卽緘口遠避矣龐統笑曰元直如此高見遠識眼底織粟之計有何難哉庶

曰願先生教之。統去徐庶耳邊畧說數句。庶拜曰。吾平生所許劉玄德。有伏龍鳳雛才高天下。以此論之。不虛言也。重承活命之賜。龐統別却徐庶。下船回報周瑜。只說徐庶當晚密使近人。去各寨中。暗布謠言。次日寨中。三三五五交頭接耳。而說少刻人來。報知曹操。說西涼州韓遂馬超謀反。殺奔許都來。操大驚。急聚眾謀士商議。操曰。吾自引兵南征。心中所憂者韓遂馬超耳。軍中謠言未辨虛實。不可不防。誰可代吾一任。言未畢。徐庶進曰。自蒙丞相收錄重用。恨無寸功報効。請得三千人馬。星夜往散關把住隘口。如有緊急。再行告報。操喜曰。若得元直公去。吾不憂矣。

三關之上亦有軍兵。公統領之。目下撥三千馬步軍。命臧霸為先鋒。星夜往去。不可稍遲。徐庶辭了曹操。與臧霸便行。此便是龐統救徐庶之計。後有詩曰。

曹操征南日日憂。馬超韓遂起戈矛。鳳雛一語教徐庶。正似遊魚脫釣鈎。

曹操得徐庶去了。心中稍安。操遂上馬。先看沿江旱寨。次看水寨。乘大船一隻。於中央上建帥字旗號。兩傍皆列木寨。船上埋伏弓弩千張。曹操居于上。此時建安十二年冬十一月十五日。天氣晴明。平風靜浪。操令置酒設樂於大船之上。吾今夕欲會諸將。天色向晚。東山月上。皎皎如同

白日長江一帶如橫素練操坐大舟之士左右侍御者皆
錦衣繡襖荷戈執戟何止數百人命文武等官各依階位
而坐操指南屏山如畫東視柴桑之境西觀夏口之江南
望樊山北覷烏林四顧空濶心中暗喜操曰吾自起義兵
以來與國家除凶去害誓願掃清四海削平天下所未得
者江南也吾得此江南富饒之地可以富國強兵今手下
有百萬雄師更有諸公用命効力何不可成功業耶收服
江南之後則無事矣與諸公共享富貴以樂太平吾不忘
今日之語諸公幸留意焉文武皆起而稱謝曰願得早和
凱歌終身皆賴主公之福操大喜命左右行酒飲至半夜

此皆敗德也可戒可戒

操酒醒遙指南岸曰周瑜魯肅不識天時幸有歸順之人
為彼心腹之患此天助吾也荀攸曰丞相勿言恐有漏泄
操大笑曰吾觀座上諸公近侍左右皆孤心腹之人也言
之何碍又指夏口曰劉備諸葛亮汝不料螻蟻之力搖撼
吾泰山之重也顧與諸將曰吾今年五十四歲矣如得江
南必有所喜昔日喬公與吾至契生二女欲令侍吾吾視
之皆有國色不料被孫策周瑜之所娶吾新構銅雀臺於
漳水之上如得江南可娶二喬置之臺上以足吾願言說
大笑故唐人杜牧之有詩曰

老滿原無大志只是一喬便心滿意足如何不敗

折戟沉沙鐵未消自將磨洗認前朝東風不與周郎便

銅雀春深鎖二喬

徵徵敗徵

哨曹操大笑不止忽聞鴉聲望南飛鳴而去操問曰此鴉
絲何夜鳴左右答曰鴉見月明將謂曉矣故離樹而鳴也
操又笑不止此時酒酣致取槩立於船頭之上取酒奠於
江中滿飲三爵橫槩與諸將曰吾持此槩破黃巾擒呂布
滅袁術收袁紹深入塞北直抵遼東縱橫天下真乃大丈
夫之志也況對此景甚有慷慨吾當作歌汝等和之歌曰
對酒當歌人生幾何譬如朝露去日無多慨當以慷憂
思難忘何以解憂惟有杜康青青子衿悠悠我心呦呦
鹿鳴食野之萍我有嘉賓鼓瑟吹笙皎皎如月何時可

慨憂從中來不可斷絕越陌度阡枉用相存契濶談諧
心念舊恩月明星稀烏鵲南飛遶樹三匝無枝可依山
不厭高水不厭深周公吐哺天下歸心

歌罷衆和之忽見坐間一人進曰大軍相當之際將士用
命之時丞相何故出此不吉之言操視之乃楊州刺史沛
國相人也姓劉名馥字元穎本人起自合肥創立州治聚
逃散之民立學校廣屯田興治教深溝高壘堅甲利兵積
盈倉之粟作草店數千棧貯魚膏數百斛爲守戰之具久
事曹公多立功蹟馥曰丞相何故出此不利之言乎操曰
何爲不利馥曰月明星稀烏鵲南飛遶樹三匝無枝可依

此大不利之言也。操大怒，汝安敢敗吾興也！手起一槊，利
刃劉馥，遂乃罷寔。次日酒醒，悔恨不已。馥子劉熙告請父
屍歸葬。田里操泣曰：吾醉昨夜誤傷汝父，悔之無及。可以
三公厚禮葬之。命請送靈柩，即日而回。水軍都督毛玠請
曹操看水軍擺布如何，且聽下回分解。

曹操三江調水軍

毛玠于禁請帳下請曰：大小船隻俱以搭配停當，旌旗戰
具一一齊備，請丞相調遣。尅日進兵。操至水軍中央大戰
船坐定，喚集諸將，各各聽令，前宜遵守隊伍，聽候進發。水
軍中央黃旗毛玠于禁，水軍前軍紅旗張郃，水軍後軍皂

旗呂虔，水軍左軍青旗文聘，水軍右軍白旗呂通，馬步前
軍紅旗徐晃，馬步後軍皂旗李典，馬步左軍青旗樂進，馬
步右軍白旗夏侯淵，水陸路都督應使夏侯惇，曹洪護衛
往來監戰使二員許褚張遠，其餘驍將各依隊伍。曹操令
水軍寨中發插三通令，各隊伍戰船分門而出，於三江水
面乘駕。是夜西北風驟起，各船皆棹而出，搖動出門，拽起
風帆，衝浪激波，穩如平地。北軍在船上踴躍施勇，刺鎗使
刀，曹操觀之，心中大喜，以爲必勝之法。前後左右軍皆試
船，旗幡不雜。又有小船五十餘隻，往來巡警，催督操立於
將臺之上，觀看調練已畢，教收住帆幔，各依次序回寨寨

程昱已知
其攻故破
但天意不可
違耳

有二十四門各用戰艦艦艘週圍護遶操賞軍勞將與諸
謀士曰若非天命助我安得鳳雛之妙計耶果然渡江如
履平地之穩吾到南岸人馬可一擁而上程昱進曰船皆
連鎖固是平穩且隄防火攻難以迴避操大笑曰程仲德
雖然有遠慮之謀可惜不知用兵之法荀攸曰仲德之言
甚是未知丞相之見請問如何是不知用兵之計操曰夫
為大將者先明天時次察地理然後以法用兵多美勝少
美不勝何況無美乎方今隆冬之際但有西風北風何嘗
有東風與南風耶吾居於西北之上彼兵皆在南岸若用
火攻必乘風力以發之彼如用火是燒自己之兵也吾何

懼哉若是十月小春之時何敢不隄備耶諸將皆頓首拜
伏曰丞相智畧包羅天地豈等閑之可及哉操顧諸將曰
青徐燕代之衆不慣乘舟今非此計安能涉大江之險班
部中二將挺身而出曰小將雖幽燕之人也能乘舟今願
借巡船二十隻直至北江口見奪旗鼓而還以顯北軍亦
能乘舟也操視之乃袁紹手下舊將焦觸張南也操曰汝
等皆生長北方恐乘舟不得其便江南之兵生於長江在
來水上習練精熟汝勿輕以性命為兒戲也焦觸張南大
叫曰如其不勝即當軍法操曰戰船盡以連鎖惟有小舟
每隻舟上可容二十人恐其未便觸曰若用大船何足為

三國志
可可望付小舟二十餘隻某與張南各引一半只今日直
抵江南水寨須要奪旗斬將而還操曰吾與汝二十隻船
差撥精銳軍五百人皆長鎗硬弩到來日天明將大寨船
到於江南遠爲之勢又差文聘亦領三十隻巡船接應汝
回焦觸張南欣喜而退次日四更造飯五更結束已定早
聽得水寨中擂鼓鳴金皆出寨門分布水面上長江一帶
青紅旗號交雜焦觸張南早到哨船二十隻穿寨而出遙
望江南進發却說南岸隔夜聽得鼓聲喧震已報入中軍
遙望曹操訓練水軍周瑜往山頂觀之操已收盡次日忽
聞鼓震使人急上高望之早見小船衝波而來飛報中軍

周瑜聽得問帳下誰敢先出韓當周泰二人齊出曰某當
權爲先鋒破敵瑜喜教傳令各寨嚴加守禦不可輕動韓
當周泰各引哨船五隻分左右而出却說焦觸張南憑一
勇性飛棹小船而來韓當獨披掩心手執長鎗立於船頭
焦觸船先到急交軍士亂射之正與韓當船頭相抵當用
牌遮隔焦觸燃長鎗與韓當交鋒當手起一鎗刺在焦觸
其船急回隔斜裏周泰船出張南挺鎗於船頭交鋒兩邊
弓矢亂射周泰一臂挽牌一手提刀兩船相離七八尺泰
卽飛身一躍直躍過張南船上手起刀落砍張南於水中
亂殺駕舟軍士韓當船齊到十隻船盡皆趕敗走船於半

江之中與文聘船相迎兩邊擺定船隻廝殺却說周瑜立於山頂與謀士遙望江北水面艤艦戰船排合江上旗幟號帶皆有次序回看文聘與韓當周泰截江相持文聘與韓當周泰盡力而戰文聘抵敵不住而走韓周急催船趕周瑜恐深入重地也見北人水戰妙手阿兩使將白旗招颺令眾鳴金周韓遂揮掉而回文聘回報焦觸張南已被南將所殺操亦慄快不已收軍回寨周瑜于山頂看隔江戰船盡入水寨瑜觀之顧謂謀士曰江北船隻如蘆葦之密兼操乃智謀之將何計以破之眾未及對忽然見操軍寨中一風吹折中央黃旗隨入江中瑜大笑曰未及破曹先有警報也操軍見中央旗折各有驚恐之意操下令曰惑眾者斬由是軍心方定周瑜正觀之際忽狂風大作下觀江水波濤拍岸一陣風過刮旗角於周瑜臉上瑜猛然想起一事上心大叫一聲往後便倒口吐鮮血諸將大驚急救起時不省人事扶持下山歸到帳中不知性命如何

總評

阿瞞橫槊賦詩兼他許多志得意滿之語自當取敗正所謂動乎四體也可笑劉禪不知生死白白送却了一命也

人各有長焦觸張南用其所短自取死也可爲憐

第四十九回

七星壇諸葛祭風

周瑜立於山頂觀望良久忽然望後而倒口吐鮮血不省人事左右親近人救回帳中諸將皆來動問不知其意盡皆愕然相顧而言曰江北岸百萬之衆虎踞鯨吞不爭都督如此倘若曹兵一至如之奈何慌差人申報吳侯知會却說魯肅疑惑心中不定來見孔明言周瑜卒病之事孔明曰公以爲何如肅曰此乃曹操之福江東之禍也孔明笑曰公瑾之病亮亦能醫手到安全也肅曰誠如此則國家萬幸卽請孔明同去探病肅先入見周瑜瑜以被蒙頭

而臥。肅曰：都督病勢若何？周瑜曰：心腹攪痛，時復昏迷。肅曰：曾服何藥？顧瑜曰：心中嘔逆，藥不能下。肅曰：適來去望孔明言說，都督染病，孔明言手到便除。見在帳外，煩來醫治。瑜命請入，乃扶起坐於床榻之上。孔明曰：連日不面君顏，何期貴體不安？瑜曰：人有旦夕禍福，豈能自保耶？孔明曰：天有不測風雲，人豈能料乎？瑜聞失色，乃作呻吟之聲。病說：強、謎、人、亦、知、之、乎、孔明曰：都督心中似覺煩積乎？瑜曰：然。孔明曰：必須用涼藥以解之。瑜曰：已服涼藥，全然無效。孔明曰：須先理其氣，氣若順則一呼一吸之間，自然痊愈。瑜料孔明必知其意，乃以言挑之曰：欲得氣順，當服何藥？孔明笑曰：亮有一方。

便教都督氣順。瑜乃正容問之曰：願先生教之。孔明索紙筆，屏退左右，密書十六字，欲破曹公，宜用火攻，萬事俱備，只欠東風。孔明寫畢，授與周瑜。孔明曰：此病源之妙用也。瑜見了大驚，暗思：孔明真神人也。早已知吾心間之事，只得盡情告之。瑜笑曰：先生已知病源，將何治之？事在危急，望賜教之。孔明曰：亮雖不才，曾遇異人傳授八門遁甲天書，上可以呼風喚雨，役鬼驅神，中可以布陣排兵，安民定國，下可以趨吉避凶，全身遠害。都督若要東南風，時可於南屏山建築一臺，名曰七星壇，高九尺，作三層，用一百二十人，手執旗幡圍遶，亮於上作用。借三日三夜東南大風。

助都督用兵何如。瑜曰：休道三日三夜，只得一夜大風，大事可成矣。只是事在目前，不可遲緩。孔明曰：十一月二十日甲子祭風，至二十二日丙寅，乃風息如何。瑜大喜曰：便差五百精壯軍士築壇，撥一百二十人執旗守壇聽候。使令如此，則周瑜便起調兵。孔明即領諾，與魯肅上馬來南屏山，相度地勢。令軍兵取東南方赤土築壇，方圓二十四丈，每一層高三尺，共計九尺。下一層插二十八宿旗，東方七面青旗，按角亢氐房心尾箕布蒼龍之形；北方七面皂旗，按斗牛女虛危室壁作玄武之勢；西方七面白旗，按奎婁胃昂畢觜參踞白虎之威；南方七面紅旗，按井鬼柳星

張翼軫成朱雀之狀。第二層周圍黃旗六十四面，按六十四卦入位而立。上一層用四人，各人戴束髮冠，皂羅袍，鳳衣博帶，朱履方裙。前左立一人，手執長竿，竿尖上用鷄羽爲葆，以招風信。前右一人，手執長竿，竿上繫七星號帶，以表風色。後左一人，捧寶劍；後右一人，捧香爐。壇下二十四人，各持旌旗寶蓋，大戟長戈，黃鉞白旄，朱幡，皂纛，環遶四面壇臺，已成旗幡已布。專等孔明登壇作法。十一月二十日，是甲子吉辰，孔明沐浴齋戒，身披道衣，散髮跣足，來到壇前。分付魯肅曰：子敬，自在軍中相助公瑾調兵，不可有悞。亮倘祝無風，不可有怪；若有東南風起，任便行事。魯肅

去了。孔明囑付守壇將士，不許擅離方位，不許交頭接耳，不許失口亂言，不許失驚打怪。如違吾令者，斬之。眾皆領命。孔明緩步登壇，觀瞻方位已定，焚香於爐，注水於盂，仰天暗祝。下壇入帳，中少息，令軍士更替吃飯。孔明上壇三次，下壇三次，並不見風。却說周瑜請程普、魯肅一班軍官在帳中伺候，只等東南風起，便調兵出。一面關報吳侯孫權接應。此時黃蓋已自準備火船二十隻，船頭密布大釘，船內裝載蘆葦、乾柴，灌以魚油，上鋪硫黃、焰硝引火之物，各用青布油單遮蓋。船頭上插青龍牙旗，船尾各繫走舸，選二百精銳水手，在帳下聽候。只等周瑜帳中號令下來。

此時甘寧、關澤、窩盤、蔡和、蔡中在水寨中，每日飲酒，不放一卒登岸。週圍盡是東吳軍馬，把得水泄不通。只等帳上號令下來，一箇箇磨拳擦掌，准備廝殺。周瑜正在帳中坐議，探子來報，吳侯船隻離寨八十五里停泊。只等都督好音，瑜卽差魯肅遍告各部下官兵將士，俱各收拾船隻軍器。萬一此時無風，奈何？日牛仰尚笑曰：南風從來極盛，不必慮也。號令一出，時刻休違。倘有違悞，卽按軍法。各部回報，一切俱辦。只等指揮。是日看看近夜，天色清明，微風不動。瑜對魯肅說：孔明之言謬矣。隆冬之時，怎得東南風乎？肅曰：吾料孔明必不敢謬。漸漸近三更時分，忽聽風聲響，旗幡動轉，瑜出帳，旌脚竟飄西北。瑜駭然曰：此人有

奪天地造化之功。有鬼神不測之術。若欲留之。乃東吳之禍根。周瑜之大患也。必殺之。免生他日之憂。周郎忌諸葛真對手真知已也不比今為吠聲之犬耳急急喚帳前守護中軍左右校尉丁奉徐盛二將。稍帶二百人。用船一隻。隨徐盛從江內來。一百人跟丁奉。從旱路去。如到南屏山七星壇前。休問長短。拿住諸葛亮。碎屍萬段。將那顆頭來請功。二將欣然領命去了。徐盛下船。一百刀斧手。蕩開棹。漿。丁奉上馬。一百弓箭手。各跨征駒。往南屏山離大寨。只十餘里。兩路來殺孔明。於路正迎着東南風起。有詩曰：
七星壇上正嚴凝。劍擊東風頃刻興。萬里雲烟皆動蕩。三江波浪盡掀騰。還鄉解使高皇詠。得道須教列子登。

當日孔明施妙用。致令公瑾顯才能。又詩曰：

一夜東風起。千千萬萬雄兵盡。膽寒諸葛身亡。千載後再無人上七星壇。又詩曰：

奸雄曹操起戈矛。志欲平將天下收。一夜東風壇上起。曹兵百萬等時休。

當日徐盛丁奉飛奔壇前。丁奉馬軍先到。見壇上執旗將士當風而立。丁奉下馬提劍上壇。不見孔明。慌問守壇將士。將士答曰。軍師却纔下壇去了。丁奉來尋徐盛。盛船已到。二人來趕孔明。忽見江邊小卒曰。昨晚一隻快船。停在前灘口。傍晚却見先生披髮下船。那船望上水去了。丁

奉徐盛水陸兩路追襲徐盛教拽起滿帆搶風而使遙望
前船不遠徐盛立於船頭高聲大叫軍師休去都督有請
只見孔明立於船尾大笑而言曰上覆都督好好用兵諸
葛亮暫回夏口異日再容相見靜軒先生有詩嘆曰

一火能燒百萬兵東風纜起便逃生周郎空有坊賢計

妙笑安能及孔明

徐盛曰暫請少住有緊話說孔明曰吾已料定都督不能
容我心來相害預先教趙子龍等候多時將軍休來追趕
徐盛見前船無蓬只顧趕去看看至近趙雲拈弓搭箭立
於船尾大叫曰吾乃常山趙子龍也奉將軍令特來接軍

曰本待一箭射死你來顯得兩家失了和氣教你知我手
段言訖箭到處射斷拽蓬索那蓬墜落下水其船便橫趙
雲却交拽起滿帆乘順風而去其船如飛追之不及岸上
丁奉忙喚徐盛船近岸言曰諸葛亮神機妙笑人不可及
更兼趙雲有萬夫不當之勇汝知他當陽長坂時否吾等
只消回報便了因此二人回見周瑜言孔明預先約趙雲
在岸口迎接去了周瑜大驚曰此人如此使吾晝夜不安
矣若不與曹操連和擒劉備諸葛亮以絕後患事有反覆
如何赤壁鏖兵

周公瑾赤壁鏖兵

魯肅諫曰豈以小失而廢大事曹操甚於劉備十倍若不先除喪無日矣事成之後却再圖之周瑜從肅之言喚集諸將聽令先教甘寧帶了蔡中并降卒沿南岸而走只打北軍旗號直取烏林地而正當曹操屯糧之所深入軍中舉火爲號只留下蔡和一人在帳下我有用處甘寧領計去了第二喚太史慈分付你可領三千兵直奔黃州地界斷曹操合肥接應之兵就逼曹兵放火爲號盡看紅旗便是吳侯接應兵到這兩隊兵最遠先發第三喚呂蒙領三千兵去烏林接應甘寧焚燒曹操寨柵第四喚凌統領二千軍直截夷陵界首只看烏林火起以兵應之第五喚董

雲引三千軍直取漢陽從漢川殺奔曹操寨中看白旗接應第六喚潘璋引三千軍盡打白旗隨從取漢陽接應董襲六隊船隻各自分路去了却令黃蓋使小卒馳書報操云言今夜二更但看船頭上插青龍牙旗卽黃蓋之糧船也比及黃蓋安排火船背後撥四隻戰船以爲接應第一隊領兵軍官韓當第二隊領兵軍官周泰第三隊領兵軍官蔣欽第四隊領兵軍官陳武四隊各引戰船三百隻前面各擺列火船二十隻壓陣周瑜程普在大艚艙上調兵左有徐盛右有丁奉只留魯肅共關澤龐統及衆謀士守寨伺候上功却說吳侯孫權差使者持兵符至說已差陸

遂爲先鋒直抵蘄黃地面進兵吳侯自爲後應周瑜調兵
整整有法程普欽服不已瑜又差人西山放火砲南屏山
舉號旗一齊進備已定只等黃昏話分兩頭却說劉玄德
在於夏口專候孔明回忽見一宗船到乃是公子劉琦自
來探消息玄德請敵樓上坐說東南風起多時子龍去接
孔明至今不見到吾心甚憂小校指樊口港上一帆風送
扁舟來到必軍師也玄德劉琦下樓迎接須臾到岸孔明
子龍登岸玄德笑容鞠躬問候畢孔明曰但無閑暇告訴
周折前者所約軍馬戰船皆已辦否玄德曰收拾久矣只
候軍師調用孔明與趙雲曰子龍可帶三千軍馬渡江迎

耳烏林小路揀樹木蘆葦密處埋伏今夜四更已後
必然從那條路奔走等他軍馬過就半中間放起火來雖
然不殺他盡絕也殺一半趙雲曰烏林有兩條路一條通
南郡一條取荊州不知向那條路來孔明曰南郡勢迫曹
操不敢往必來荊州然後大軍投許昌而去雲領計去了
又喚張飛曰翼德你可領三千兵渡江截斷夷陵這條路
去葫蘆谷口埋伏曹操不敢走南夷陵必望北夷陵去來
日雨過必然來埋鍋造飯只看烟起便就山邊放起火雖
然不提得曹操翼德這場功料也不善張飛領計去了又
喚糜竺糜芳劉封三人各駕船隻連江勦虜敗軍奪取器

械三人領計去了。孔明起身與公子劉琦曰：武昌一望之地，最爲緊要。公子便回，率領所部之兵，陳於岸口。操一敗，必有逃來者，就而擒之，却不可輕離城廓。劉琦便辭玄德，孔明去了。孔明與玄德曰：主公可於樊口屯兵，凭高而望，坐看今夜周郎成大功也。時有雲長在側，孔明全然不採雲長思之半晌，忍耐不住，乃高聲曰：關羽自隨兄長征戰，許多年來，未嘗相離。今日逢大敵，不肯委用，此是何意？孔明笑曰：雲長勿怪，某本欲煩足下，把一箇最緊要的隘口，爭奈有些違碍處，不敢教去。雲長曰：有何違碍？願請見論。孔明曰：昔日曹操待足下甚厚，誓以報之。今日操兵敗必

走華容道，若令足下去時，必然放他過去，因此不敢教去。

雲長曰：軍師好心，多當初曹操果是重待某，某已斬顏良。

孔明妙處，只是不欲殺曹操，果是重待某，某已斬顏良。

誅文醜，解白馬之圍，已報訖。今日撞見，豈肯放免？孔明曰：

仁慈聖也，佛也，不可及也。而孔明先知之，此人亦仙矣。

倘若放了，時然後如何？雲長曰：願依軍法。孔明曰：如此立

下文書。雲長與了軍令狀。雲長曰：若曹操不從那條路上

來，如何？孔明曰：我亦與你軍令狀。玄德大喜。孔明曰：雲長

可於華容小路高山之處，堆積柴草，放起一把火，烟引曹

操來。雲長曰：曹操望見烟，知有埋伏，如何肯來？孔明笑曰：

豈不聞兵書有云：實實虛虛之論。操雖能用兵，只此可以

瞞過他也。他見烟起，將謂虛張聲勢，必然投這條路來。將

軍休得容情雲長領了將令引關平周倉并五百校刀手
 投華容道埋伏去了玄德曰吾弟雲長義氣深重若曹操
 果然投華容道去時只恐端的放了孔明曰亮夜觀乾象
 曹操未合身亡留這恩念教雲長做人情亦是美事玄德
 曰先生神笑世罕及也孔明曰來日大雨之後曹操必走
 華容道吾今與王公往樊口看周瑜用計留孫乾簡雍守
 城即便而行却說曹操在大寨中與眾將商議只等黃蓋
 消息當日東南風起甚緊程昱入告曹操曰今日東南風
 起甚是不祥望丞相察之操笑曰冬至一陽生來復之時
 安得無東南風何足為怪軍士忽報江東一隻小船來到

說有黃蓋密書操交急喚入其人呈上書書中訴說周瑜
 關防得緊因此無計脫身今撥得都陽湖新運到糧盡已
 裝載了當見今周瑜差蓋巡哨已有方便黃蓋好友殺江
 東名將獻首級降料是只在今晚二更船上插青龍牙旗
 即糧船也操大喜遂與眾將來水寨中大船上觀望黃蓋
 船到却說江東天色向晚周瑜喚出蔡和令軍士縛倒和
 叫無罪瑜曰汝是何等人敢來詐降吾今缺少福物祭旗
 願借你首級和抵願不過大叫曰汝家關澤首寧亦曾預
 謀瑜曰皆吾之所使也蔡和悔之無及瑜令捉至江邊早
 羸旗下奠酒燒紙一刀斬了蔡和用血祭旗畢便令開船

黃蓋在第三隻火船上獨披掩心手提利刃旗上大書先鋒黃蓋蓋乘一天順風望赤壁進發是時東風大作波浪洶湧曹操在中軍遙望隔江看看月上照耀江水如萬萬道金蛇番波戲浪操迎風大笑自言得志忽一軍指說江南上隱隱一簇帆幔使風而來操凭高望之報稱皆插青龍牙旗內中有大旗上書先鋒黃蓋名字操笑曰公覆來降此天助吾也來船漸近程昱看之良久覆曹操曰來船必詐且休教近寨操曰何以知之程昱曰糧在船中重而且穩今觀來船輕而且浮遲了更兼今夜東風甚緊倘有詐謀何以當之操曰然誰去止之文聘曰某在水上頗熟願當


一往言畢跳下小船用手一指十數處巡船隨文聘船出聘立於船頭大叫丞相鈞旨南船且休近寨就江心拋住衆軍齊叫快下了篷言未絕弓弦響文聘被箭射中左臂倒在船中船上鼎沸各自奔回船到操寨隔二里水面黃蓋用刀一招前船一齊發火火趁風威風趁火勢船如箭發烟焰漲天二十隻火船撞入水寨所撞之處盡皆釘住隔江砲響四下火船齊到但見三江面上火逐風飛一派通紅漫天徹地曹操回觀岸上營寨幾處烟火黃蓋跳在小船上背後數人駕舟冒烟突火來尋曹操見勢急欲待跳上岸張遠駕一小脚船扶操下得船時那隻大船已

三國志
白着了。張遼與十數人保護曹操在小船中飛奔岸口。黃蓋見穿絳紅袍者下船。料是曹操。黃蓋腳踏船頭。手提利刀高聲大叫。曹賊休走。黃蓋在此。操叫苦連聲。黃蓋船將次趕上。張遼拈弓搭箭。覷着黃蓋較近。一箭射去。黃蓋在火光中。那裡聽得弓弦響。正中肩窩。翻身落水。黃蓋性命如何。

總評

孔明公瑾的是對手。棋子只是孔明。饒得公瑾一箇先耳。

孔明不可及處。只是見得到。美得定耳。凡天下事。只要見得到。美得定。便是矣。別無他法也。



山形國志

